

Na osnovu člana 15. Zakona o udruženjima i fondacijama („Sl. novine FBiH“, br. 45/02) i člana 40. Statuta Udruženja poslodavaca FBiH, Skupština **Grupacija špeditera-logističara pri Udruženju poslodavaca u FBiH** na sjednici održanoj dana 19.12.2008. godine u Sarajevu donosi

P R A V I L N I K

O ORGANIZACIJI I RADU

GRUPACIJE ŠPEDITERA-LOGISTIČARA PRI UDRUŽENJU POSLODAVACA U FBiH

I OPĆE ODREDBE

Član 1.

Ovim Pravilnikom utvrđuje se svrha i djelatnost, naziv i sjedište, članstvo, organizacija, organi, način izbora tijela i odlučivanje, finansiranje, prestanak rada i druga pitanja značajna za rad Grupacije špeditera/logističara.

Član 2.

Grupacija špeditera/logističara (u daljem tekstu: Grupacija) je shodno Statutu Udruženja poslodavaca u FBiH oblik dobrovoljnog udruživanja članova Udruženja poslodavaca u Federaciji BiH (u daljem tekstu: Udruženje), a čija je osnovna djelatnost međunarodna špedicija i logistika, koja između ostalog obuhvata:

- Carinsko posredovanje
- Međunarodni transport robe
- Unutrašnji transport (distribucija) robe
- Međunarodni i unutrašnji poštanski i express transport
- Međunarodne selidbe
- Skladištenje robe
- Logističke operacije

(skraćeno: **međunarodna špedicija i logistika**).

Grupacija sve svoje djelatnosti obavlja u okviru Udruženja.

Član 3.

Ciljevi Udruženja su istovremeno i ciljevi Grupacije, s tim što Grupacija svoju aktivnost naročito usmjerava na:

- zaštitu prava i interesa svojih članica,
- praćenje i izučavanje privrednih tokova u svojoj djelatnosti,
- unaprjeđenje zajedničkog tržišnog i poslovnog nastupanja ,
- razvoj i promoviranje poslovnih odnosa uz izražavanje posebnosti interesa privatnog vlasništva,
- razvoj i promoviranje poštivanja primjene etičkih načela struke,
- promoviranje saradnje s drugim strukovnim organizacijama,

- zastupanje interesa članova pri Vladi, Ministarstvima i drugim tijelima državne vlasti,
- uključivanje, putem zakonom dozvoljenih postupaka i razvojem saradnje s nadležnim tijelima, u postupke donošenja zakonskih i podzakonskih akata u vezi s djelatnošću, te drugih djelatnosti od interesa za svoje članove,
- kolektivno pregovaranje sa granskim sindikatom, te sudjelovanje u sklapanju kolektivnih ugovora kojima se uređuju pitanja iz radnih odnosa i u vezi s radnim odnosima,
- kao i na druge ciljeve od značaja za rad članica.

Član 4.

Grupacija može u suradnji s nadležnim državnim organima i organima Udruženja, pokretati inicijative i predlagati mjere ekonomske politike koje se tiču poslovanja njenih članica.

Član 5.

Naziv Grupacije glasi: Grupacija špeditera-logističara pri Udruženju poslodavaca u Federaciji Bosne i Hercegovine.

Sjedište Grupacije je u sjedištu Udruženja.

II ČLANSTVO U GRUPACIJI

Članovi Grupacije su članovi Udruženja čija je osnovna djelatnost međunarodna špedicija i logistika.

Članstvo u grupaciji je dobrovoljno.

Član 6.

Članovi iz prethodnog člana organiziraju se u Grupaciju da bi preko svojih organizacionih oblika mogli uspješno raditi i uticati na unaprjeđenje rada i poslovanja u svojoj osnovnoj djelatnosti, na usklađivanju svojih posebnih i pojedinačnih interesa sa zajedničkim interesima ostalih članova Udruženja i sa općim interesim privrede na jedinstvenom tržišnom i privrednom prostoru u BiH.

Član 7.

Prijem, prestanak i isključenje iz članstva u Grupaciji vrši se putem stručne službe Udruženja i u skladu sa Statutom Udruženja.

Prava i dužnosti članova grupacije

Član 8.

Članovi Grupacije imaju ista prava u pogledu obaveza i odgovornosti.

Prava, obaveze i odgovornosti članova Grupacije su:

- upravljaju aktivnostima, poslovima i unapređuju organizaciju rada Grupacije,
- poduzimaju aktivnosti na promicanju i zaštiti interesa članova Grupacije,
- pokreću inicijative i utvrđuju prijedloge za donošenje mjera iz oblasti razvojne i ekonomske politike, kao i privrednog i društvenog sistema,
- razmjenjuju informacije od interesa za uspješno obavljanje djelatnosti,
- ostvaruju suradnju sa nadležnim državnim tijelima, organizacijama i drugim institucijama Bosne i Hercegovine radi zaštite interesa članova,
- aktivno sudjeluju u radu Udruženja Grupacije,
- pridržavaju se Statutom utvrđenih prava i obaveza članova,
- moralno i na drugi način podupiru djelatnosti i ugled Udruženja,
- poštuju dogovorene profesionalne standarde i Kodeks profesionalne etike Udruženja.

Članarina

Član 9.

Članovi Grupacije uplatom članarine potvrđuju svoje članstvo u Grupaciji. Članovi Grupacije uplaćuju članarinu Udruženju Poslodavaca u FBiH.

Visinu godišnje članarine, kriterije za obračun te način plaćanja članarine utvrđuje Skupština Udruženja, donošenjem posebne odluke o visini članarine.

Član 10.

Odlukom Upravnog odbora Grupacije može se uz članarinu iz člana 9. odrediti i obaveza plaćanja posebne članarine ili priloga u cilju finansiranja posebnih djelatnosti ili aktivnosti Grupacije.

III ORGANIZACIJA I RAD GRUPACIJE

Član 11.

Rad Grupacije je javan.

Organi Grupacije kroz infrastrukturu Udruženja poslodavaca FBiH (mediji, časopisi, publikacije Udruženja i dr.) izvještavaju članove i javnost o ciljevima i aktivnostima Grupacije. Po potrebi to čine i samostalno kroz dostavljanje dokumenata, zapisnika i slično.

Član 12.

Grupacija ne može svojim aktivnostima nanositi štetu ostalim udruženjima, grupacijama i njihovim članovima i dovoditi u neravnotežan položaj druge djelatnosti, odnosno grane privrede.

Član 13.

O poslovima i pitanjima iz svoje nadležnosti Grupacija donosi prijedloge i zaključke samostalno, pridržavajući se smjernica i stavova Skupštine i tijela Grupacije, nadležnih organa i tijela Udruženja i u skladu sa ustaljenim običajima poslovnog morala.

Član 14.

Grupacija može, u okviru svoje djelatnosti neposredno upućivati prijedloge nadležnim tijelima Udruženja i tijelima Asocijacije poslodavaca BiH, radi rješavanja određenih pitanja i poduzimanja odgovarajućih mjera od interesa za Grupaciju ili pojedine članove kada nisu u suprotnosti sa općim interesima članova ove Grupacije ili Udruženja u cjelini.

Član 15.

Stručna pitanja, problemi i aktivnosti iz nadležnosti Grupacije, zavisno od njihove prirode razmatraju se i rješavaju u okviru Upravnog odbora Grupacije i njenih drugih radnih tijela (komisija).

Organi Grupacije i način odlučivanja i upravljanja

Član 16.

Članovi Grupacije upravljaju organizacijom kroz slijedeća tijela:

- **Skupšina Grupacije**
- **Upravni odbor Grupacije**
- **Komisije**

Skupština

Član 17.

Skupština Grupacije je najviše tijelo upravljanja radom i poslovanjem Grupacije. Skupština Grupacije:

- donosi Pravilnik o organizaciji i radu Grupacije, njegove izmjene i dopune, te druge opće akte određene ovim Pravilnikom,
- imenuje predsjednika, potpredsjednika i članove Upravnog odbora Grupacije
- utvrđuje opću politiku rada i djelovanja, te donosi temeljne odrednice za program rada,
- razmatra i zauzima stajalište o izvještajima tijela Grupacije u skladu s odredbama ovoga Pravilnika,
- odlučuje o prestanku rada Grupacije,
- donosi Poslovnik o svom radu,
- bira članove Grupacije za predstavnike u Skupštini i Upravnom odboru Udruženja poslodavaca u FBiH, u skladu sa Statutom Udruženja.

Po potrebi Skupština može osnivati i imenovati odgovarajuća tijela, kad je to potrebno radi rješavanja pojedinih pitanja, u skladu s odredbama ovoga Pravilnika.

Član 18.

Skupštinu Grupacije sačinjavaju svi članovi Grupacije.

Član 19.

Redovne sjednice Skupštine Grupacije održavaju se najmanje jednom godišnje.

U slučaju potrebe može se sazvati vanredna sjednica Skupštine. Vanredna sjednica Skupštine može se sazvati radi rješavanja posebno značajnih pitanja za rad Grupacije.

Sjednice Skupštine Grupacije održavaju se u Sarajevu, osim ako sama Skupština na ranijoj sjednici ne odredi da se sjednica održi u kojem drugom mjestu.

Član 20.

Sjednicu Skupštine Grupacije saziva i predsjedava joj Predsjednik Upravnog odbora Grupacije, a u slučaju njegove spriječenosti – Potpredsjednik.

Poziv za sjednicu Skupštine Grupacije upućuje se članovima Skupštine najkasnije deset (10) dana prije dana održavanja sjednice.

Poziv za vanrednu sjednicu upućuje se članovima Skupštine najkasnije pet (5) dana prije dana održavanja sjednice.

U pozivu za sjednicu treba naznačiti prijedlog dnevnog reda sjednice, mjesto njena održavanja i vrijeme početka rada.

Uz poziv za sjednicu Skupštine članovima se dostavljaju svi materijali pripremljeni za Skupštinu.

Član 21.

Svaki član Skupštine Grupacije ima pravo glasa.
Svaki član Skupštine Grupacije ima jedan glas.

Odsutnog člana Skupštine Grupacije može u glasanju zamijeniti drugi član Skupštine Grupacije, uz pisanu punomoć za glasanje.

Glasanje na Skupštini je javno.

Član 22.

Skupština Grupacije donosi odluke o prestanku rada Grupacije, te donošenju novog ili promjeni postojećeg Pravilnika dvotrećinskom (2/3) većinom glasova prisutnih članova Skupštine grupacije, a sve ostale Odluke donose se običnom većinom glasova prisutnih članova Skupštine Grupacije.

Član 23.

Na sjednici Skupštine Grupacije vodi se zapisnik, u koji se moraju zabilježiti doneseni zaključci, odluke i rezultati izbora.

Zapisnik sa sjednice Skupštine Grupacije potpisuje Predsjednik Grupacije, dva ovjervitelja i zapisničar.

Zapisnik sa sjednice Skupštine Grupacije zajedno sa zaključcima i odlukama dostavlja se svim članovima Grupacije i stručnoj službi Udruženja.

Upravni odbor

Član 24.

Upravni odbor je kolektivno tijelo upravljanja svakodnevnim radom i poslovanjem Grupacije.

Upravni odbor Grupacije ima slijedeće nadležnosti i ovlaštenja da:

- priprema i predlaže pravilnike i pravila iz djelokruga Grupacije,
- utvrđuje prijedloge za imenovanje predsjednika, potpredsjednika i članove Upravnog Odbora Grupacije,
- priprema i predlaže plan rada Grupacije,
- priprema i predlaže izvještaj o radu,
- priprema i predlaže nacрте dokumenata koja usvaja Upravni odbor Udruženja iz oblasti međunarodne špedicije i logistike,
- predlaže predstavnike Grupacije u Upravni odbor, radna i druga tijela Udruženja poslodavaca, mješovite državne delegacije i komisije, projektne i ekspertne grupe,
- raspravlja i donosi zaključke i preporuke o temama koje su od interesa za članove Grupacije.
- Imenuje, savjetuje i nadzire osobe ovlaštene za kolektivno pregovaranje i sklapanje kolektivnog ugovora, te verificira rezultate pregovora,
- prenese ovlasti za sklapanje kolektivnog ugovora na Udruženje poslodavaca u FBiH,
- rješava i druga pitanja koja nisu stavljena u nadležnost drugom tijelu Grupacije.

Član 25.

Upravni odbor Grupacije čini ukupno **11** (jedanaest) članova:

- pet stalnih članova
- šest reizbornih članova

Članove Upravnog odbora (stalne i reizborne) bira Skupština Grupacije.

Daje se saglasnost Upravnom odboru Grupacije špeditera-logističara, da može u toku svog mandata promjeniti do 30% sastava Upravnog odbora iz slijedećih razloga;

- ako je član Upravnog odbora neaktivan, tj. ne dolazi redovno na sjednice i ne učestvuje aktivno u radu Upravnog odbora
- ako se delegira na viši nivo
- ako neredovno plaća članarinu Udruženju poslodavaca FBiH
- ako se privredni subjekt ugasi
- usljed drugih objektivnih okolnost

Od ovih jedanaest članova Upravnog odbora, jedan je ujedno i član Upravnog odbora Udruženja poslodavaca FBiH.

Iz tako izabраниh članova Upravnog odbora biraju se Predsjednik i Potpredsjednik Grupacije.

Članove Upravnog odbora bira Skupština Grupacije.

Mandat članova Upravnog odbora traje dvije godine.

Upravni odbor ostaje na dužnosti do izbora novog Upravnog odbora.

Dužnost člana Upravnog odbora je volonterska.

Prilikom predlaganja i izbora članova Upravnog odbora, mora se voditi računa o reprezentativnosti i zastupljenosti članova tako izabranog Upravnog odbora, a shodno Članu 2. ovog Pravilnika, te o regionalnoj, nacionalnoj i spolnoj zastupljenosti. Pet stalnih članica Upravnog odbora biraju se iz reda najvećih kompanija (osnovni kriteriji za kategorizaciju najvećih kompanija su: broj uposlenih, ukupan godišnji promet, broj poslovnica, te kao posebno važna kategorizacija – aktivno učešće u radu Grupacije).

Član 26.

Predsjednik Upravnog Odbora Grupacije može u svako doba sazvati Upravni odbor.

Upravni odbor sastaje se na poziv predsjednika Upravnog odbora na redovne sjednice koje se održavaju po potrebama.

U pozivu za sjednice mora biti naznačeno mjesto i vrijeme održavanja, te dnevni red sjednice.

Upravni odbor može donositi pravovaljane odluke ako sjednici prisustvuje većina članova Upravnog odbora. Odluke se donose većinom glasova članova, ako ovim Pravilnikom nije drugačije određeno.

Upravni odbor može donijeti Poslovnik o svome radu.

Komisije

Član 27.

Radi zaštite specifičnih interesa članovi Grupacije mogu osnovati Komisije.

Komisije se bave pitanjima od zajedničkog interesa za obavljanje, unaprjeđivanje i promoviranje neke djelatnosti unutar Grupacije, te se osnivaju radi lakšeg rješavanja određene problematike i razmjene iskustava s određenog područja.

Komisije dostavljaju prijedloge, zaključke i mišljenja drugim tijelima Grupacije, a mogu nastupati i prema vani putem za to ovlaštenih osoba Grupacije ili Udruženja.

Stručna služba

Član 28.

Stručne, administrativne, pomoćne i druge poslove Grupacije obavlja stručna služba Udruženja.

Stručnu službu Udruženja čine direktor, sekretar i potreban broj stručnih saradnika.

IV FINANSIRANJE

Član 26.

Finansijska sredstva potrebna za rad Grupacije i njenih tijela osiguravaju se iz članarine Udruženja u okviru njegovog Finansijskog plana, koju u skladu sa Odlukom Skupštine Udruženja, plaćaju svi članovi Udruženja.

V ZASTUPANJE

Član 27.

Predsjednik Upravnog odbora Grupacije zastupa, predstavlja i potpisuje Grupaciju.

VI PRIJELAZNE I ZAVRŠNE ODREDBE

Član 28.

Ovaj Pravilnik stupa na snagu danom usvajanja.

Član 29.

Izmjene i dopune ovog Pravilnika vrše se na način utvrđen za njegovo donošenje.

Predsjedavajući Skupštine Grupacije

Salko Kruho, s.r.